



Број/Број: 03-50-1-1034-5-1/09  
Сарајево/Sarajevo 31.12.2009.

## ZAPISNIK

### 5. sjednice Odbora za žalbe građana Parlamentarne skupštine Bosne i Hercegovine, održane 29.12.2009. godine

Petu sjednicu Odbora za žalbe građana Parlamentarne skupštine BiH sazvaо je predsjednik Odbora, Mate Miletić.

Sjednici Odbora, u svojstvu članova, prisustvovali su: Amela Bašić – prva zamjenica predsjednika, Borislav Radić – drugi zamjenik predsjednika, Danica Berić, Ermin Pešto i Hamida Karčić - članovi, Željko Grubešić – savjetnik u Odboru, te Aida Kreho - privremena tajnica Odbora za žalbe građana Parlamentarne skupštine Bosne i Hercegovine.

Opravdano odsutan bio je Marijan Milićević.

Sjednica Odbora počela je u 13 sati.

Nakon što je konstatirano da postoji kvorum, predložen je sljedeći

## DNEVNI RED

1. Usvajanje zapisnika s 4. sjednice Odbora za žalbe građana Parlamentarne skupštine Bosne i Hercegovine;
2. Analiza dosadašnjih aktivnosti u vezi sa korespondencijom Odbora za žalbe građana sa drugim nadležnim tijelima;
3. Tekuća pitanja.

Dnevni red je jednoglasno usvojen.

## **Ad.1. Usvajanje zapisnika s 4. sjednice Odbora za žalbe građana Parlamentarne skupštine Bosne i Hercegovine**

Zapisnik s 4. sjednice Odbora za žalbe *jednoglasno je usvojen.*

## **Ad.2. Analiza dosadašnjih aktivnosti u vezi sa korespondencijom Odbora za žalbe građana sa drugim nadležnim tijelima**

Otvarajući raspravu o ovoj tački Dnevnog reda, Predsjednik je podsjetio članove Odbora na sve, dosada poduzete, aktivnosti a vezane za informiranje javnosti o početku rada i aktivnostima Odbora za žalbe građana. Posebno je istaknuo objavu Obavještenja o početku rada Odbora za žalbe građana u Biltenu Vijeća ministara BiH. Također, naglasio je članovima Odbora kako je Obavještenje o početku rada Odbora, upućeno Državnoj agenciji za istrage i zaštitu i Graničnoj policiji BiH postavljeno na vidno mjesto, kako je i traženo, a u što se je osobno uvjerio prilikom posjete njihovim uredima, međutim, na pitanje da li su ista Obavještenja postavljena u regionalne urede – nije dobio odgovor.

Članovi Odbora su, u diskusiji koja je uslijedila, naglasili kako je neophodno nastaviti kampanju koja za cilj ima obavještavanje i upoznavanje građana sa djelokrugom i aktivnostima Odbora, te izrazili potrebu za sticanjem iskustva u ovoj oblasti putem prisustvovanja seminarima i obukama, odnosno putem razmjene iskustva sa sličnim odborima u zemljama koje ih imaju. Sukladno tome, više puta je ponovljena potreba za jačom suradnjom sa EUPM-om, odnosno potreba za organiziranjem pomenutih seminara i obuka putem TAIEX programa.

Sukladno tome, Željko Grubešić informirao je članove Odbora da se početkom 2010. godine treba izvršiti imenovanje novog osoblja EUPM-a, zaduženog za praćenje aktivnosti Odbora. Članovi Odbora zadužili su tajništvo Odbora da, nakon imenovanja osoblja EUPM-a, ugovore održavanje sastanka, na kojem bi se razmatrali načini pomoći Odboru u njegovom daljnjem radu.

### **Ad.3. Tekuća pitanja**

U okviru ove tačke Dnevnog reda, a razmatrajući rezultate dosadašnjeg rada, članovi Odbora zadužili su privremenu tajnicu Odbora da sačini Nacrt izvješća o radu Odbora, koji će se, nakon što bude potvrđen na Odboru, dostaviti Parlamentarnoj skupštini na usvjanje.

Također, članovi Odbora donijeli su odluku da se na jednoj od narednih sjednica obavezno treba razmatrati Plan rada Odbora za 2010. godinu, te je za izradu Nacrta plana rada zadužen Željko Grubešić.

Sjednica Odbora za žalbe građana Parlamentarne skupštine Bosne i Hercegovine završena je u 14 sati.

Privremena tajnica  
Odbora za žalbe građana  
Aida Kreho

Predsjednik Odbora  
za žalbe građana  
Mate Milić